

**KJKP „GRADSKI SAOBRAĆAJ“ D.O.O.
S A R A J E V O**

Na osnovu člana 9 Zakona o javnim preduzećima u Federaciji BiH („ Službene novine F BiH“, broj: 8/05, 81/08, 22/09 i 109/12), člana 234 stav (1) tačka k), a u vezi sa članom 303.stav (1) Zakona o privrednim društvima Federacije Bosne i Hercegovine („ Službene novine F BiH“, broj 81/15 i 75/21), te člana 54 stav (2) Statuta KJKP Gradski saobraćaj d.o.o Sarajevo, i Odluke Skupštine preduzeća, broj:01/19 od 08.10.2024 godine Skupština KJKP “ GRAS” d.o.o Sarajevo raspisuje,

**JAVNI KONKURS
ZA IZBOR I IMENOVANJE ČLANOVA NADZORNOG ODBORA
KJKP “ GRAS” D.O.O SARAJEVO**

I. Predmet konkursa:

Objavljuje se konkurs za izbor i imenovanje 3 (tri) člana Nadzornog odbora KJKP „ Gradski saobraćaj „ d.o.o Sarajevo

II. Opis pozicije:

Nadzorni odbor nadležan je da:

1. nadzire poslovanje preduzeća
2. imenuje predsjednika Nadzornog odbora;
3. razrješava člana Nadzornog odbora s dužnosti predsjednika, uz istovremeno imenovanje jednog od svojih članova za predsjednika Nadzornog odbora;
4. usvaja izvještaj Uprave o poslovanju po polugodišnjem obračunu i godišnjem obračunu, sa bilansom stanja i bilansom uspjeha i izvještajem revizije;
5. podnosi Skupštini godišnji izvještaj o poslovanju preduzeća koji obavezno uključuje izvještaj revizora, izvještaj o radu Nadzornog odbora i Odbora za reviziju
6. Utvrđuje prijedlog trogodišnjeg Plan poslovanja i Plana investicija odnosno prijedlog revidiranog plana poslovanja
7. imenuje i razrješava Upravu preduzeća
8. vrši izbor kandidata Odbora za reviziju i podnosi prijedlog za njihovo imenovanje Skupštini preduzeća ;
9. imenuje i razrješava Sekretara preduzeća; na prijedlog generalnog direktora
10. utvrđuje prijedlog Statuta i Etičkog kodeksa i predlaže ga Skupštini;
11. daje mišljenje Skupštini o prijedlogu Uprave za raspodjelu dobiti
12. daje mišljenje Skupštini o prijedlogu Uprave o načinu pokrića gubitka
13. odobrava Upravi preduzeća donošenje odluke o investicijama , kupovini, prodaji, zamjeni, uzimanje u leasing osnovnih sredstava ,uzimanju kredita i druge transakcije imovinom, u toku poslovne godine u obimu od 15% do 33% knjigovodstvene vrijednosti ukupne imovine preduzeća, po bilansu stanja na kraju prethodne godine , jednoglasno
14. Odobrava Upravi preduzeća donošenje odluke o uzimanju i davanju osnovnih sredstava u zakup, uz predhodno pribavljenu saglasnost resornog ministarstva , osim površina koje se daju u zakup za postavljanje reklama.
15. obrazuje povremene komisije i druga tijela i utvrđuje njihov sastav i zadatke
16. daje saglasnost Upravi preduzeća na Pravilnik o javnim nabavkama
17. donosi Pravilnik o organizaciji preduzeća, na prijedlog Uprave preduzeća uz predhodno pribavljenu saglasnost resornog ministarstva
18. donosi Poslovnik o radu Nadzornog odbora.
19. nadzire postupak provođenja javnih nabavki , razmatra izvještaje Uprave preduzeća o nabavkama i prijavljuje nadležnim organima sve eventualne prevare ili zloupotrebe.

20. daje pisano ovlaštenje za ograničene aktivnosti, u smislu Zakona o javnim preduzećima
21. razmatra mjesečne izvještaje Odbora za reviziju i daje upute Upravi za provođenje preporuka u vezi sa uočenim nepravilnostima
22. nadzire Upravu u primjeni preporuka datih od Odbora za reviziju i vanjskog revizora
23. daje saglasnost na Poslovnik o radu Uprave preduzeća
24. odobrava službena putovanja generalnom direktoru
25. daje pismenu saglasnost Upravi preduzeća za zaključivanje ugovora ili niz vezanih ugovora čija je vrijednost 50.000 KM i veća
26. utvrđuje prijedlog cijena prevoznih usluga
27. donosi cijene ostalih usluga iz registrovane djelatnosti, po prijedlogu Uprave preduzeća
28. odlučuje o drugim pitanjima u skladu sa zakonom, ovim Statutom i odlukama Skupštine preduzeća

III. Mandat:

Članovi Nadzornog odbora imenuju se na period 4 (četiri) godine, s tim da po isteku 2 (dvije) godine od dana imenovanja Skupština preduzeća glasa o povjerenju članova Nadzornog odbora.

Članovi Nadzornog odbora imaju pravo na naknadu za rad u Nadzornom odboru u skladu sa Zakonom.

IV. Uslovi za pozicije:

Kandidat za imenovanje na tražene pozicije mora ispunjavati opšte i posebne uslove i to:

Opšti uslovi :

1. Da je državljanin Bosne i Hercegovine.(dokaz: uvjerenje o državljanstvu)
2. Da je stariji od 18. godina
3. Da nije stariji od 65 godina na dan imenovanja (dokaz: za tačke 2 i 3 rodni list)
4. Da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije (dokaz: potpisana izjava ovjerena od strane nadležnog opštinskog organa)
5. Da se protiv njega ne vodi krivični postupak.(dokaz: uvjerenje nadležnog suda)
6. Da se na njega ne odnosi član IX 1. Ustava Bosne i Hercegovine. (dokaz: potpisana izjava ovjerena od strane nadležnog opštinskog organa)
7. Da nije na funkciji u političkoj stranci . (dokaz: potpisana izjava ovjerena od strane nadležnog opštinskog organa)
8. Da nema privatni finansijski interes u preduzeću u čiji se Nadzorni odbor kandiduje. (dokaz: potpisana izjava ovjerena od strane nadležnog opštinskog organa)
9. Da nije osuđivan za krivično djelo i za privredni prestup nespojiv sa dužnošću u nadzornom odboru pet godina od dana pravosnažnosti presude, isključujući vrijeme zatvorske kazne. (dokaz: potpisana izjava ovjerena od strane nadležnog opštinskog organa)
10. Da nije lice imenovano na funkciju direktora i člana Uprave preduzeća ili član Upravnog odbora u privrednim društvima ili institucijama, uključujući ali ne ograničavajući se na: fondove, banke, agencije i komisije. (dokaz: potpisana izjava ovjerena od strane nadležnog opštinskog organa)
11. Da nije predsjednik ili član Nadzornog ili Upravnog odbora društva sa većinskim državnim kapitalom ili institucije. (dokaz: potpisana izjava ovjerena od strane nadležnog opštinskog organa)
12. Da posjeduje certifikat o završenom usavršavanju u skladu sa članom 252. Zakona o privrednim društvima), (ukoliko kandidat ne posjeduje odgovarajući certifikat dužan je u roku od 6 (šest) mjeseci nakon imenovanja proći odgovarajuću obuku i dostaviti isti) (dokaz: original ili ovjerena kopija certifikata ili ovjerena izjava o preuzimanju

obaveze o usavršavanju). Ukoliko u navedenom roku lice ne završi usavršavanje prestaje mu mandat člana Nadzornog odbora KJKP „GRAS“ d.o.o Sarajevo.

2. Posebni uslovi:

1. Da ima univerzitetsku diplomu iz oblasti saobračaja, tehnike, ekonomije i prava (dokaz: ovjerena fotokopija univerzitetske diplome)
2. Da ima najmanje 5 (pet) godina radnog iskustva nakon sticanja univerzitetske diplome (dokaz: potvrda ili uvjerenje)
3. Da je uspješan u obavljanju na ranijim poslovima (dokaz: preporuka ranijih poslodavaca)
4. Da ima izraženu individualnost, inicijativnost, nezavisnost u radu i donošenju odluka (intervju)
5. Da ima komunikacijske i organizacijske sposobnosti (intervju)
6. Da posjeduje znanja i sposobnosti razumijevanja poslovnih izvještaja, poznavanja prava i ukupnog zakonodavstva na području djelovanja Nadzornog odbora (intervju)
7. Da ima sposobnost upravljanja finansijskim i ljudskim resursima i naklonjenost timskom radu (intervju)

V. Ostale napomene

Kandidati su dužni uz prijavu koja sadrži kraću biografiju, adresu i kontakt telefon, priložiti originalne dokumente ili ovjerene fotokopije naprijed navedenih dokumenata koji ne mogu biti stariji od 6 mjeseci.

Komisija za provođenje konkursa za izbor i imenovanje članova Nadzornog odbora nakon zaključivanja konkursa pregledati će sve prijave i utvrditi dali su prijave blagovremene i sa potpunom dokumentacijom.

Nepotpune i neblagovremene prijave Komisija neće razmatrati..

Komisija će razmotriti sve potpune i blagovremene prijave i sačiniti listu kandidata koji ispunjavaju uslove.

Komisija će sve kandidate koji ispunjavaju uslove konkursa pozvati na intervju.

Pozvani kandidati koji ne pristupe na zakazani intervju smatrati će se da su odustali od daljeg učešća na konkursu.

Nakon objavljenog intervju, Komisija će Skupštini preduzeća dostaviti listu kandidata koji ispunjavaju uslove konkursa .

Odluku o Izboru i imenovanju članova Nadzornog odbora donosi Skupština preduzeća.

Konkurs za podnošenje prijave ostaje otvoren 15 (petnaest) dana od dana posljednje objave konkursa.

Konkurs će se objaviti u “Službenim novinama Federacije BiH “ i dnevnom listu “ Dnevni avaz “ kao I na web stranici preduzeća.

Preduzeće nije obavezno vraćati dokumentaciju priloženu uz prijavu osim na pismeni zahtjev kandidata.

Prijavu sa traženom dokumentacijom dostaviti lično ili preporučeno poštom na adresu:

**KJKP “ GRAS” d.o.o Sarajevo
Srđana Aleksića broj:1
Sarajevo**

Sa naznakom:

**PRIJAVA NA KONKURS ZA IZBOR I IMENOVANJE
ČLANOVA NADZORNOG ODBORA --NE OTVARATI**

Na poleđini koverta naznačiti ime i prezime podnosioca prijave.